



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

[§. II.] Resolvitur difficultas, quoad ignorantiam

[urn:nbn:de:hbz:466:1-77355](#)

DE VOLUNTARIO ET INVOLUNTARIO.

109

quidem non vult ignorare, non tamen curat A
addiscere ea quae potest, & tenetur scire; & haec
ignorantia vocatur crassa seu supina.

129. Ex quibus intelliges divisionem allatam esse
bonam & convenientem: Nam ignorantia, ut
conducere potest ad rationem voluntarij, tri-
pliciter potest se habere ad actum voluntatis,
qui continet actum externum ex ignorantia fa-
ciendum, primò ut causa, secundò ut effectus,
tertiò neque ut causa, neque ut effectus, sed ut
per accidens concomitans talen actum: At-
qui ignorantia, quae verè est causa actus, est
ignorantia antecedens, quia causa præcedit ef-
fectum, prioritate saltem naturæ; ignorantia
verò quae est effectus voluntatis, est consequens,
quia effectus consequitur causam; ignorantia
tandem quae neque est causa, neque effectus,
neque præcedit, neque subsequitur ratione cau-
salitatis talen actum, sed solum illum comita-
tur, & per accidens illi conjungitur, concomi-
tans est: Ergo ignorantia convenienter dividitur
in antecedentem, concomitantem, & sub-
sequentem.

130. Notandum secundò, involuntarium posse su-
mi dupliciter; primò positivè, vel contrarie,
quatenus dicit aliquid quod est contra inclina-
tionem voluntatis; secundò negative, vel con-
tradictoriè, prout dicit puram negationem vol-
untarij, & melius dicitur non voluntarium;
quia licet non sit secundum inclinationem vo-
luntatis, non est tamen contra, sed merè indif-
ferenter se habet. Dubitur ergo, quænam ex
dictis ignorantis causet involuntarium positivè,
aut negativè?

S. II.

*Resolvitur difficultas, quoad ignorantiam
antecedentem.*

Dico primò, ignorantiam antecedentem
causare involuntarium simpliciter. Ita Di-
vus Thomas hic art. 8.

131. Probatur: Quod causat effectum omnino no-
litum, & repugnantem inclinationi voluntatis,
causat involuntarium simpliciter: Sed ignoran-
tia antecedens causat effectum omnino nolitum,
ac repugnantem inclinationi voluntatis, ut patet
in exemplo supra adducto; projiciens enim
fagittam ex ignorantia antecedente, occidit ho-
minem quem noluit occidere, & quem dolet
occidisse: Ergo ignorantia antecedens causat in-
voluntarium simpliciter. Ex quo inferes, illam
excusare à peccato: quia peccatum adeò volun-
tarium est, ut si non sit voluntarium, non sit
peccatum: unde qui invincibiliter ignorat v. g.
esse vigiliam, non peccat carnes comedendo;
de quo fuis in tractatu de peccatis.

Ex hoc etiam intelliges, quinam contractus,
quænam vota, & similia, valida sint, si sicut ex
ignorantia antecedente. In his enim atten-
da sunt duo, videlicet substantia rei, & acci-
dentialia: si ignorantia sit de substantia, invalidus
est contractus; secundus autem, si sit de accidenti-
bus: unde si quis contraheret matrimonium
cum muliere paupere, existimans esse divitem,
matrimonium hoc esset validum; quia dixit
& panpertas sunt quid accidentale matrimonio:
si vero contraheret cum Catharina, existimans
esse Margaritam, matrimonium non esset vali-
dum, quia est ignorantia circa substantiam.

Difp. 6.
art. 1.

S. III.

*Alia difficultas, quae est de ignorantia conse-
quenti, expeditur.*

Dico secundò, ignorantiam consequentem
causare voluntarium simpliciter, & invo-
luntarium secundum quid. Ita S. Doctor in eo-
dem articulo.

Probatur prima pars: Qui vult causam alicu-
jus effectus, vult etiam in ipsa causa effectum
ex ea sequutum: Ergo cum ignorantia conse-
quens sit simpliciter volita, etiam effectus ex illa
sequutus erit simpliciter volitus in illa, & per
consequens simpliciter voluntarius.

Altera etiam pars suaderet: *Quod fit contra*
aliquam inclinationem voluntatis, est involun-
tarium secundum quid: Sed effectus proveniens
ex ignorantia consequenti, fit contra aliquam
inclinationem voluntatis: Ergo est invo-
luntarius secundum quid. Minor probatur: Ope-
rans cum tali ignorantia, ita est affectus dum
operator, ut si adesset scientia, non poneret ef-
fectum, unde illò positò, & adveniente scientiâ,
tristatur; ut patet cum quis non faciat sufficien-
ti diligentiâ, putans occidere feram, occidi-
amicum: Ergo voluntas operans cum illa igno-
rantia, habet aliqualem inclinationem in oppo-
situm. Patet Consequentia: nam ut ait Aristoteles 3. Ethic. cap. 1. *Eorum qui per insensam agunt, is quem facti punit, invitus egisse dicuntur.* Ex quo inferes, quid sic illa quæ sunt
ex metu, sunt mixta ex voluntario & involun-
tariorum, ita & ea quæ procedunt ex ignorantia conse-
quenti.

Adverte tamen, quid ignorantia subsequens
est duplex; una purè subsequens, quæ condi-
tionem concomitantis non admittit; ut cum quis
affectat ignorare, ut liberiùs peccet, vel cum
quis negligit scire quod debet, unde postea cum
ignorantia peccat, quod pertinet ad ignorantiam
crassam: alia est ignorantia subsequens,
admittens conditionem ignorantiae concomi-
tantis, que idèo mixta ex utraque dici potest;
v. g. cum aliquis non faciat sufficieni diligentiâ,
dum putat se occidere feram, occidit hostem
suum, quem valde cupiebat occidere. Ignorantia
ergo consequens, quæ non est mixta ex con-
comitante, sive sit affectata, sive crassa, causat
involuntarium secundum quid; non autem illa
quæ est mixta ex concomitante, modò expli-
catò: cum enim omne mixtum participet ex na-
tura utriusque extremi, talis ignorantia mixta
participat ex subsequenti quod est de ejus essen-
tia, scilicet facere voluntarium simpliciter, ex-
cludendo involuntarium simpliciter; & de con-
comitante, non tristari de effectu, sed letari, at-
que adeò non causare involuntarium secundum
quid.

S. IV.

Solvuntur objectiones.

CONTRA primam partem conclusionis
objici potest: Ignorantia consequens re-
movet scientiam, quæ si adesset, homo non
faceret id quod modò facit ex ignorantia: Ergo
talis ignorantia causat involuntarium simplici-
ter. Antecedens est Divi Thomæ in hoc articu-
lo, ubi loquens de hac ignorantia ait: *Causat
tamen secundum quid involuntarium, in qua-*

Q ij